



**Quæstionum Canonicarum, In Quinque Libros
Decretalium, Tomus ...**

In Librum I. Decretrialium, Per quadraginta, & tres Titulos distributum, in
quo agitur De Constitutionibus, Seu Legibus universim ...

Krimer, Ferdinand

Augustæ Vindelicorum, 1706

Articulus I. An, & qualiter illegitimi ad suscipiendos Ordines admittantur?

[urn:nbn:de:hbz:466:1-73031](#)

Ordinum collatione aliquid omisum sit, vel non observatum per oblivionem, aut errorem, non ideo totus actus iteretur; sed secundò id, quod omisum fuit, cautè suppleatur statim temporibus, quibus ordines conferuntur; ut, si in ordinatione pro Subdiaconatu, Diaconatu, vel Presbyterio, omissa fuisset impositio manus; in confirmatione, unctione facta fuisset non chrismate, sed Oleo &c. sic Desselius, h.t.

2208. Eodem titulo c. 2. movetur duplex quæstio 1. an corpora defunctorum fidelium, quæ à Schismaticis sepulta sunt in loco sacro, iterum ex humari? 2. an vestes Sacerdotales, cum quibus, & Altaria, in quibus Presbyteri degradati celebrarunt,

iterum benedici, vel consecrari debeant? & ad utramque respondet Honorius III. ac ad 1. negativè, nū scienter elegerint, vel consenserint in eam sepulturam: ad 2. etiam negativè, ut colligitur ex c. Ecclesijs 20. dist. 1. de Consecr. an., & qualiter iterari possint, vel etiam debeant alia Sacra menta, quæ Characterem imprimunt, si prudens dubium superveniat, num validè recepta sint? præsertim Baptismus: per tractat copiosè Quintanaduenas singul arum tractatu 1. a singul. 1. & seq. Cardinal. de Lugo in Respons. moralibus l. 1. d. 1. cum seqq. & alij; de quo etiam dicemus infrā, V. etiam n. 2809.

* *

QUÆSTIO XVII.

IN TIT. XVII. DE FILIIS PRESBYTERORUM ORDINANDIS, VEL NON ORDINANDIS.

2209. **S**ermo est de Filiis Presbyterorum non stantum ijs, quos genuerunt, dum essent in sacris; sed etiam illis, quos ante sacros Ordines suscepunt ex legitimo thoro. Nam defectus natalium, sive solùm ex fornicatione simplici, sive ex damnato coitu proveniat, inhabilem reddit ad suscipiendos Ordines etiam Minores c. 1. h.t. ibi: *Filijs Presbyterorum, & cæteri ex fornicatione nati, ad sacros Ordines non promoveantur.* & c. 1. eod. in 6. ubi Episcopo conceditur, posse dispensare ad Minores Ordines *cum illegitimis*, si aliud eis Canonum non obster.

ARTICULUS I.

An, & qualiter illegitimi ad suscipiendos Ordines admittantur?

2210. **I**n c. fin. h. t. Gregorius IX. describens Turon. Archiepiscopo statuit, & mandavit, ne *Filijs Sacerdotum, & alij, non legitimè nati*, ad dignitates, & personatus, & alia Beneficia, curam animarum habentia, sine dispensatione Sedis Apostolicæ promoveantur; quod universim, *quoad omnes illegitimos* statuit c. 18. h. t. ibi: nimis in tua provincia Ecclesiæ deformatur honestas ex eo, quod *filijs Sacerdotum, & alij non legitimè nati*, ad dignitates, & personatus, & alia Beneficia, curam a-

nimarum habentia, sine dispensatione Sed. Apostl. promoventur. Quo circa, mandamus, quatenus (prædictis personis à personatibus, & dignitatibus, & hujusmodi Beneficijs prorsus amotis) ea personis idoneis conferri facias per illos, ad quos collationem ipsorum de jure noveris pertinere. Et ne id de cætero prælumatur, districtus inhibemus: & c. 1. eod. in 6. idem statuit Bonifacius VIII. ubi tamen additur: *eum, qui defectum patitur natalium, ex dispensatione Episcopi, licetè posse* (si ei aliud impedimentum Canonicum non obstat) *ad Ordines promoveri minores, & obtainere Beneficium, cui cura non imminet animarum: dummodo tale sit, super quo per ipsum Episcopum valeat dispensari.*

Excipe tamen 1. nisi vitam Mönachi amplectatur; tunc enim, favore Religiosis etiam sine dispensatione admittitur ad ordines, post professionem c. 1. dist. 56. ubi Urbanus II. ait: *Presbyterorum filios, à sacris Altaris Ministerijs removemus: nisi aut in cœnobij, aut in canonij, religiosè probati fuerint conversati: sed hoc intelligendum est de illis, qui paterna incontinentiae imitatores fuerint.* Verum si morum honestas eos commendabiles fecerit, exemplis, & auctoritatibus, non solum Sacerdotes, sed etiam summi Sacerdotes fieri possunt; de hoc etiam agitur c. 1.

c. i. h. t. ex C. C. Pictaviensi, ibi: ut filij Presbyterorum, & ceteri ex fornicatione nati ad sacros Ordines non promoveantur, nisi aut Monachi fiant, vel in Congregatione canonica regulariter viventes: prælationes verò nullatenus habeant: sed neque servi, nisi à Dominis suis libertate donentur. Ubi nota, per vitam Monachi, quemlibet statum Religiosum intelligi, in quo quis emissis votis evadit verè Religiosus, ut pluribus probat Pirhing. hic à n. 6. & illegitimum, qui factus est Religiosus cum effectu, non propterea habilitari ad Prælaturas, sine dispensatione Papæ c. i. h. t. junct. gloss. V. Prælationem; nec ad Beneficia curata intra, vel extra Ordinem, c. ult. h. t. bene tamen, ad Ordinis officia alia non curata, c. ult. h. t. Not. 2. Monachum illegitimum, nec de consentu sui Superioris, posse esse Vicarium Episcopi, licet professione sit legitimatus; Sanchez de Matr. l. 8. d. 1. c. 5. à n. 16. Barbos. in c. i. de fil. Presbyt. n. 8. & filium illegitimum alicuius Religiosi, posse Patri suo succedere in Prælatura ejusdem Religionis, in qua ipsius Pater Prælaturam, vel dignitatem habuit, aut habet, affirmari à Fratre Emmanuele; negati à Miranda apud Barbosam in c. 3. de fil. Presbyt. n. 7.

Excipe 2. nisi necessitas, vel evidens utilitas Ecclesiæ postularet, illegitimum ad Ordines admitti; ne scilicet in Ecclesia detrimentum cedat, quod in ejus commodum inductum est à jure. Excipe 3. nisi defectus natalium sit occultus, & dispensatio occulte peti non possit, sine sua vel parentum infamia apud Papam vel Episcopum in casu, quo illegitimum utget gravis necessitas Ordines suscipiendi. Sic Pirhing h. t. n. 9. Excipe 4. nisi testuantur natalibus, vel per subsequens matrimonium, vel Rescripto Pontificis, aut alterius, qui tales legitimare potest ad hunc effectum.

ARTICULUS II.

Quis dispenset ad Ordines cum illegitimis?

Ex dictis n. 2209: constat, cum illegitimis Episcopum dispensare posse ad minores Ordines tantum; & consequenter ad Beneficia simplicia, non autem directe ad curata; nec ad dignitates: ad sacros verò Ordines, & Beneficia majora

Tom. I.

solum Pontificem per c. i. h. t. in 6. ibi: is, qui defectum patitur natalium, ex dispensatione Episcopi licet potest (si ei aliud Canonicum non obseruat) ad Ordines promoveri minores, & obtinere Beneficium, cui cura non imminet animarum: dummodo sit tale, super quo per ipsum Episcopum valeat dispensari; ad Ordines quoque maiores, vel Beneficia curam animarum habentia, super quibus nequit Episcopus dispensare, sine dispensatione sedis Apostoli promoveri non potest.

Not. autem i. cum dicimus Episcopum dispensare posse cum illegitimis ad beneficia simplicia, intelligi illa, super quibus Episcopus potest dispensare, ut monet ipse textus in cit. t. t. nimis ipsum non prohibente, à tali dispensatione, jure communi, consuetudine Curia Romana; aut Ecclesiæ particularis, statuto jurato, vel à Papa confirmato, ut tradunt Doctores in cit. t. t. h. t. in 6.

Ex quo colliges quedam beneficia esse extra Episcopi potestatem quoad hunc casum cum illegitimis, ut sunt, quæ habent annexam dignitatem, vel personatum, etiam sine cura; sic Azor p. 2. l. 6. c. 3. q. 3. Secundò, quæ requirunt in beneficiario Ordinem sacram; tertio, quæ illegitimi parentis prius habuit in tali Ecclesia, gloss. in cit. c. i. V. tale; quartò, Canonicatus in Ecclesia Cathedrali, secundum stylum Curia Romana: quintò dignitas prima, seu principalis in Ecclesia Collegiata, secundum eundem.

Not. 2. licet irregularitas, ex defectu natalium, foret occulta, adhuc cum illa dispensari non posse per Episcopum, vi Tridentini Sess. 24. t. 6. & Ordines sanctos; quia non est ex delicto subjecti irregularis. Nam omnes illegitimè nati sunt irregularis, etiamsi defectus sit occultus, & publicè habeantur pro legitimis; Laymā. l. t. tr. 5. c. 5. à n. 1. Hinc nec ad Ordines, nec ad beneficia promoveri possunt; Not. 3. nos n. 2213. signatè dixisse, Episcopum cum illegitimis dispensare non posse directe ad beneficia curata; nam secus est indirecte, ut si per accidens unita forent beneficio simplici alias ab Episcopo conferibili; sic Barbos. in t. 6. de fil. Presbyt. num. 3.

Rrr 2

ARTI-